



ԳԼԽԱՎՈՐ ԽՄԲԱԳՐԻ ՍՅՈՒՆԱԿ

Սիրելի ընթերցող,

Քո դատին է ներկայացվում «Բանբեր Հայաստանի գրադարանների» հանդեսի չորրորդ համարը: Հոդվածներ են ներկայացված հետևյալ թեմատիկ ուղղություններով՝ «Գրադարան. տեսություն և պրակտիկա», «21-րդ դարի գրադարան», «Բուհական գրադարաններ», «Մատենագիտություն. տեսական և գործնական խնդիրներ», «Գրքագիտություն», «Մշակութային ժառանգություն»: Ներառված են նաև հաղորդումներ: 1666 թ. մարտ ամսին, երկարատև նախապատրաստական աշխատանքներից հետո, մի խումբ նվիրյալներ Ոսկան վարդապետ Երևանցու գլխավորությամբ Ամստերդամում սկսեցին հայերեն Աստվածաշնչի տպագրությունը, որը հաջողությամբ ավարտվեց 1668 թ. հոկտեմբեր ամսին: Ամսագրում հատուկ սյունակ ենք հատկացրել այս դարակազմիկ իրադարձությանը. սույն համարում ևս տեղադրել ենք հաղորդում նվիրված Սիդնեյում կազմակերպված գիտաժողովին:

Պահպանելով նախորդ համարներում որդեգրած մոտեցումը՝ ներառել ենք մեկ մագիստրոսական ավարտաճառ: